

ԱՐՁԱՆԱԳՐՈՒԹՅՈՒՆ N 10

ՀՈՒՄԱՆԻՏԱՐ ԳԻՏՈՒԹՅՈՒՆՆԵՐԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ ՆԻՍՏԻ

11. 05. 2018

Ք. Իջևան

Մասնակցում էին գիտխորհրդի 21 անդամներից 18-ը

ՕՐԱԿԱՐԳ

1. 2017-2018 ուստարվա երկրորդ ընթացիկ քննությունների և ստուգումների կազմակերպական աշխատանքների մասին հաշվետվություն: /Զեկուցող՝ Ա. Ներսիսյան/

2. 2017-2018 ուստարվա գարնանային քննաշրջանի կազմակերպչական աշխատանքների մասին հաշվետվություն: /Զեկուցող՝ Ա. Ներսիսյան/

3. Հումանիտար գիտությունների ֆակուլտետի կրթական ծրագրերի 2018-2022 ուստարվա ուսումնական պլանների քննարկման և հաստատման մասին: /Զեկ. Ա. Ներսիսյան/

4. Հումանիտար գիտությունների ֆակուլտետի կրթական ծրագրերի 2018-2019 ուստարվա ուսումնական աշխատանքային պլանների քննարկման և հաստատման մասին: /Զեկ. Ա. Ներսիսյան/

ԼՍԵՑԻՆ.

Օրակարգի 1-ին հարցի վերաբերյալ զեկուցող Ա. Ներսիսյանը ներկայացրեց 2017-2018 ուստարվա երկրորդ կիսամյակի երկրորդ ընթացիկ քննությունների և ստուգումների ժամանակացույցը /04.06.18-09.06.18թթ./: Զեկուցողը նշեց, որ երկրի ներքաղաքական իրավիճակով պայմանավորված՝ երկրորդ ընթացիկ քննություններն ու ստուգումները, հետևաբար նաև քննաշրջանը, մեկ շաբաթով հետաձգվել է:

Նա նշեց, որ այն քննարկվել է ուսանողների հետ: Զեկուցողը փաստեց, որ երկրորդ ընթացիկ քննությունների և ստուգումների հարցաշարերը ժամանակին տրամադրվել են ուսանողներին: Այժմ ստուգվում է ֆակուլտետում առարկայական ծրագրերի կատարման ընթացքը: Ստուգվում է ծրագրերի կատարողականը և դրան համապատասխան մատենավարության վիճակը:

ԱՐՏԱՀԱՅՏՎԵՑԻՆ.

Բ.գ.թ. Վ. Աղաբաբյանը, Բ.գ.թ., դոցենտ Ա. Սարհատյանը, մ.գ.թ. Լ. Հարությունյանը, Զ. Վարտանյանը, Ռ. Հարությունյանը:

ՈՐՈՇԵՑԻՆ.

2017-2018 ուստարվա երկրորդ կիսամյակի երկրորդ ընթացիկ քննությունների և ստուգումների նախապատրաստական աշխատանքների ընթացքը համարել բավարար:

ԼՍԵՑԻՆ.

Օրակարգի 2-րդ հարցի վերաբերյալ զեկուցեց ֆակուլտետի դեկան Ա. Ներսիսյանը: Ձեկուցողը նշեց, որ գարնանային քննաշրջանի նախապատրաստական աշխատանքները ավարտված են: Կազմվել է քննաշրջանի ժամանակացույցը, որը քննարկվել է ամբիոններում և ուսանողների շրջանում: Ամբիոններում քննարկվել և հաստատվել են հարցատոմսերը: Վերստին շեշտադրվեց քննությունների ընթացքում դասախոսների կողմից անաչառ վերաբերմունքը: Ուսանողը պետք է քննասենյակից հեռանա իր ստացած միավորի հավաստիության համոզվածությամբ: Դեկանը ՈԻԽ և ՈԻԳԸ ուսանողներին հորդորեց ներկա գտնվել քննական գործընթացներում՝ կանխելու հնարավոր սուբյեկտիվիզմը:

ԱՐՏԱՀԱՅՏՎԵՑԻՆ.

Բ.գ.թ., դոցենտ Վ. Աղաբաբյանը, Բ.գ.թ., դոցենտ Ա. Սարհատյանը, մ.գ.թ. Լ. Հարությունյանը, Զ. Վարտանյանը, Ռ. Հարությունյանը:

ՈՐՈՇԵՑԻՆ.

2017-2018 ուստարվա գարնանային քննաշրջանի նախապատրաստական աշխատանքների ընթացքը գնահատել բավարար:

ԼՍԵՑԻՆ.

Օրակարգի 3-րդ հարցի վերաբերյալ զեկուցող Ա. Ներսիսյանը ներկայացրեց, որ ուսումնական գործընթացի կազմակերպման ժամանակացույցի համաձայն անհրաժեշտ է քննարկել և հաստատել «Հայոց լեզու և գրականություն», «Տարրական մանկավարժություն և մեթոդիկա», «Պատմություն», «Անգլերեն լեզու և

գրականություն» և «Ֆրանսերեն լեզու և գրականություն» կրթական ծրագրերի 2018–2022 ուսումնական պլանի նախագծերը: Նկատի ունենալով, որ ԵՊՀ Իջևանի մասնաճյուղը առաջնորդվում է ԵՊՀ –ի համապատասխան մասնագիտությունների ուսումնական պլաններով, ուստի ֆակուլտետի ամբիոնները կարող են առաջնորդվել ԵՊՀ համապատասխան մասնագիտության ուսումնական պլանով, սակայն կարող են կատարել որոշակի փոփոխություններ (սահմանափակ)՝ ելնելով մասնաճյուղում ուսումնական գործընթացի կազմակերպման առանձնահատկություններից:

Ա. Ներսիսյանը ներկայացրեց 2018 – 2022թթ. կրթական ուսումնական պլանների նախագծերը, որոնք քննարկվել են ամբիոնների նիստերում:

ԱՐՏԱՀԱՅՏՎԵՑԻՆ.

Պ.գ.թ., դոցենտ Դ. Թինոյանը, բ.գ.թ., դոցենտ Վ. Ավագյանը, բ.գ.թ., դոցենտ Ք. Հարությունյանը, ասիստենտ Ա. Մարդանյանը, մ.գ.թ. Լ. Հարությունյանը, բ.գ.թ., դոցենտ Ա. Սարհատյանը, բ.գ.թ. Ա. Հասանյանը, բ.գ.թ. Լ. Թումանյանը, դաս. Ա. Սիմոնյանը, հ.գ.թ. Ա. Քամայյանը:

Նրանք նշեցին, որ ներկայացված 2018 - 2022 կրթական ծրագրերի ուսումնական պլանների նախագծերը համապատասխանում են ներկայացվող պահանջներին և առաջարկեցին հաստատել: Նիստի մասնակիցների կողմից առաջարկություններ և դիտողություններ չեղան, ընդհանուր առմամբ ներկայացված 2018–2022 ուսումնական պլանի նախագծերը համարեցին համապատասխան կրթական ծրագրերի պահանջներին:

ՈՐՈՇԵՑԻՆ

Հաստատել ֆակուլտետի «Հայոց լեզու և գրականություն», «Տարրական մանկավարժություն և մեթոդիկա», «Պատմություն», «Անգլերեն լեզու և գրականություն» և «Ֆրանսերեն լեզու և գրականություն» կրթական ծրագրերի 2018–2022 ուսումնական պլանի նախագծերը և ներկայացնել մասնաճյուղի գիտական խորհրդի հաստատմանը:

ԼՍԵՑԻՆ.

Օրակարգի 4-րդ հարցի վերաբերյալ զեկուցող Ա. Ներսիսյանը ներկայացրեց, որ 2018-2019 ուստարվա «Հայոց լեզու և գրականություն», «Տարրական մանկավարժություն և մեթոդիկա», «Պատմություն», «Անգլերեն լեզու և գրականություն» և «Ֆրանսերեն լեզու և գրականություն» կրթական ծրագրերի աշխատանքային ուսումնական պլանները կազմվել են ելնելով նախորդ տարիների ուսումնական պլաններից:

2018 - 2019 աշխատանքային ուսումնական պլանների ժամանակին քննարկման և հաստատման հարցը շատ կարևոր է ամբիոնների աշխատանքների կազմակերպման համար, որովհետև դրա հիման վրա պետք է անմիջապես սկսել ամբիոնային և անհատական ծանրաբեռնվածությունների աշխատանքները:

Նա նշեց, որ 2018 - 2019 աշխատանքային ուսումնական պլանների նախագիծն ամբողջությամբ համապատասխանում է ներկայացվող նորմատիվային պահանջներին և կարելի է ներկայացնել գիտական խորհրդի հաստատմանը:

ԱՐՏԱՀԱՅՏՎԵՑԻՆ.

Պ.գ.թ., դոցենտ Դ. Թինոյանը, բ.գ.թ., դոցենտ Վ. Ավագյանը, բ.գ.թ., դոցենտ Ք. Հարությունյանը, ասիստենտ Ա. Մարդանյանը, մ.գ.թ. Լ. Հարությունյանը, բ.գ.թ., դոցենտ Ա. Մարհատյանը, բ.գ.թ. Ա. Հասանյանը, բ.գ.թ. Լ. Թումանյանը, դաս. Ա. Միմոնյանը, հ.գ.թ. Ա. Քամայանը:

ՈՐՈՇԵՑԻՆ

Հաստատել ֆակուլտետի 2018-2019 ուստարվա «Հայոց լեզու և գրականություն», «Տարրական մանկավարժություն և մեթոդիկա», «Պատմություն», «Անգլերեն լեզու և գրականություն» և «Ֆրանսերեն լեզու և գրականություն» կրթական ծրագրերի ուսումնական աշխատանքային պլանների նախագծերը և ներկայացնել մասնաճյուղի գիտական խորհրդի հաստատմանը:

ԽՈՐՀՐԴԻ ՆԱԽԱԳԱՀ
ՔԱՐՏՈՒՂԱՐ

Ա. Ներսիսյան
Վ. Աղաբաբյան

